

明史集

列傳第一百十六

光祿大夫 經筵講官明史總裁三部尚書加七級臣王鴻緒奉

教編撰

麻貴

兄 錦

張臣

子承慶

董一元

王保

杜桐

弟 松
子文煥

蕭如薰

達雲

尤繼先

官秉忠

柴國柱

李懷信

麻貴大同右衛人父祿嘉靖中爲大同參將從鎮帥劉漢襲

敵升大獲俺答圍右衛祿與副將尚表固守乘間擊斬其部

長寇爲退舍辛愛犯京東祿以宣府副總兵入衛與子遊擊

銅並有却敵功貴由舍人從軍積功至都指揮僉事充宣府

總擊將軍隆慶中遷大同新平堡參將寇大入掠山陰懷仁

應州將吏竝獲罪獨貴與兄副將錦拒戰有功文賞萬曆
再遷大同副總兵十年冬以都督僉事充寧夏總兵官無何
徙鎮大同時諸部納款順義王辛愛帳直大同貢市如約及
死子扯力克奉中國益虔貴頻以安邊勞蒙賜資十九年爲
閱視少卿曾乾亨重劾謫戍邊明年寧夏哱拜反廷議貴健
將知兵且多蓄家丁乃起戍中爲副將總兵討賊屢攻城不
克其五月哱拜以套寇五百騎圍平鹵堡貴選精卒三百間
道馳却之俄以總督魏學會命撫著力免銀定宰僧於橫城
啖以重利皆不應貴乃還攻城寧夏總兵董一奎攻其南固
原總兵李昫攻其西故總兵劉承嗣攻其北牛秉忠攻其東
貴以遊兵主策應哱拜自北門出戰將往勾套貴逐之入城

別遣他將馬孔英麻承詔等擊套寇援兵俘斬百二十人拜
初與部長滾相結諸部長稱之爲王日坐著力兔帳中主籌
畫至是不敢復出俄朝命蕭如薰代董一奎盡將諸道援兵
以貴爲副而李如松軍亦至攻益急賊奉黃金繡蟒於卜失
兔等請急徇靈州先壁下馬關沮饗道卜失兔與莊禿賴果
合兵犯定邊而宰僧從花馬池西沙湃入貴迎擊挫宰僧於
石溝會董一元搗土昧巢諸部長俱解去賊復乞援於著力
兔擁衆大入如松率勁騎迎戰張亮堡自卯迄巳敵銳甚會
貴及李如樟等兵至夾擊遂北至賀蘭山獲首級百二十餘
持示賊賊益恟懼無何城破賊盡平貴以功增秩予廕尋擢
總兵官鎮守延綏二十二年七月卜失兔糾諸部滾入定邊

營張春井貴乘虛搗其帳於套中斬首二百五十有奇還自
寧塞復邀其零騎會寇留內地久轉掠至下馬關寧夏總兵
蕭如薰不能禦總督葉夢熊急檄貴赴援督副將蕭如蘭等
連戰曬馬臺薛家窪斬首二百三十有奇獲畜產萬五千帝
爲告廟宣捷進署都督同知予世廕明年卜失免復入塞掠
八日而還順義王扯力克約其納款不從復擬大入貴勒兵
萬五千人遊擊閔逢時等出紅山爲中軍參將師以律等出
高家堡神木孤山爲左軍參將孫朝梁等出定邊安邊平山
爲右軍而自以大軍當一面銜枚疾趨踰塞六十里寇莫知
所防大潰俘斬四百有奇獲馬駝牛羊千五百再進秩予廕
尋以病歸二十五年日本封事敗起貴備倭總兵官赴朝鮮

已加提督盡統南北諸軍貴馳至王京倭已入慶州據閑山
島國南原守將楊元遁全州守將陳愚衷亦遁倭乘勢逼王
京貴別遣副將解生守稷山朝鮮亦令都體察使李元翼出
忠清道遮賊鋒生頗有斬獲功參將彭友德亦破賊青山倭
將行長退屯井邑清正還慶州經略邢玠經理楊鎬先後至
分兵三協左李如梅右李芳春解生中高策貴與鎬督左右
協兵專攻清正策駐官寧東援兩協西扼行長諸軍至慶州
倭悉退屯蔚山如梅誘敗之清正退保島山築三砦自固遊
擊茅國器率死士拔其砦斬馘六百五十諸軍遂進圍其城
城新築以石堅甚將士仰攻多死圍十日倭襲敗生兵明年
正月二日行長來援九將兵俱潰賊張旗幟江上鎬大懼倉

皇撤師以捷奏旣而敗狀聞帝罷鎬責貴以功贖與劉綎陳
璘董一元分四路貴居東當清正數戰有功會平秀吉死官
軍益力攻十一月清正先遁貴遂入島山西浦諸路共俘斬
二千二百有奇明年三月旋師進右都督予世廕三十八年
命貴鎮遼東泰寧炒花素桀驚九子各將兵他部宰賽煖免
又助之邊將畏戰但以增歲賞爲事寇益無所忌明年臨邊
要賞將士出不意擊之拔營遁徙額力素居焉其地忽天鳴
地震炒花驚懼再徙渡老河去邊幾四百里其第三子色特
哂之南移可可母林伺隙入犯貴伏兵敗之追北至白雲山
斬馘三百四十有奇色特憤謀復讐糾宰賽以兒鄧皆不應
乃東糾卜言顧伯要兒西糾哈刺漢乃蠻合犯清河皆潰以

兄鄧等懼代炒花求款邊境乃寧明年插漢虎墩兔以三萬騎入掠穆家堡禦之敗去其夏貴引病乞罷詔乘傳歸貴果殺饒捷善用兵東征西討竝著功伐先後承欽賜者七錫世蔭者六稱一時良將焉兄錦少從父行陣有戰功累官千總協守大同右衛千戶魏昂者坐罪亾入沙漠引寇至城下挾取妻子錦伏甲擒之俺荅圍城數突圍城卒完尋以殺人并父奪官下吏當事以塞上方用兵而錦父子兄弟竝敢戰曲法貸之屢遷宣府遊擊將軍以勤王功進秩一等遷大同參將隆慶初進本鎮副總兵從趙岢出塞敗寇兵與弟貴竝有保境功俺荅納款錦招塞外叛人歸者甚衆萬曆五年擢山西總兵官尋改鎮宣府子承勛遼東副總兵都督僉事南京

後府僉書從子承恩都督同知宣府延綏大同總兵官更歷諸鎮以勇力聞後起援遼東屢退避下獄當死詔內馬八百匹免罪其家遂破承詔寧夏參將從平哮拜有功後爲蒼頭所弑承訓薊鎮副總兵承宣洮岷副總兵承宗遼東副總兵天啟初西平破戰死沙嶺麻氏多將才人以方鐵嶺李氏曰東李西麻

張臣榆林衛人起行伍爲隊長踦捷精悍搏戰好陷堅從千總劉朋守黃甫川朋遇寇喪馬被圍臣單騎馳救射中其魁奪馬載朋歸由此知名旋代朋職屢戰跨馬梁李家溝高家堡田家梁西紅山並有功遷宣府膳房堡守備寇嘗大入環城臺欲生得臣臣召麾下酌水爲酒歡呼歌飲寇莫測所爲

不敢登臣夜決圍出取他道以歸上官壯之擢延綏入衛遊擊將軍隆慶元年九月土蠻大入昌黎撫寧樂亭盧龍遊騎至灤河諸將莫敢戰臣獨勒兵赴之遼帥王治道曰敵衆我寡往必無利臣不顧率所部千人環甲直馳呼聲震山谷寇以數騎嘗奮前斬之追至棒槌崖斬首百十餘級墜崖死傷者無算事寧薊鎮諸將悉獲罪臣以功增秩二級無何寇潛入場子嶺參將吳昂被殺命臣代之尋進副總兵領總督標下事改守薊鎮西協萬曆初錄秋防功進署都督僉事炒蠻潛入古北口參將苑宗儒追至十八盤山戰歿餘衆被圍臣急偕遊擊高廷禮等馳救寇始去坐鐫一秩五年春以總兵官鎮守寧夏順義王俺荅報怨瓦剌欲取道賀蘭臣不可俺

荅憲語不遜臣夜決漢唐二渠水道不通復陳兵赤木口俺
荅乃從山後去三歲互市毋敢譁者閱邊給事中以苛禮責
望劾罷之十一年小阿卜戶犯黑谷關守將陳文治以下俱
逮繫詔起臣副總兵駐守馬蘭谷會朵顏長昂屢擾邊薊鎮
總兵官楊四畏不能禦乃謂四畏保定而徙臣代之長昂雅
憚臣使其從母土阿妻東桂款關乞降袒跣稽首乃撫賞如
初猛可真晉俺荅弟老把都棄妾也坐與小阿卜戶犯黑谷
關罷歲賞既納款復猖獗以謾詞報邊臣而令大嬖只代爲
謝罪大嬖只者順義王乞慶恰棄妾也臣等測其詐令將士
出塞捕二十三人繫之獄令還我被掠人猛可真以所愛者
五人在俘中乃先後獻還六十七人親叩關索故賞臣等并

名大嬖只入演武場譙責甚厲兩婦叩頭請死乃貸之責令
還故所掠夜不收始給賞如額還者八十餘人中有被拘數
十年者臣以功紀錄優敘夜不收塞上偵卒名也臣尋進署
都督同知召僉書左府事出爲陝西總兵官鎮守固原十八
年春移鎮甘肅火落赤犯洮河卜失兔將往助之其母泣阻
不從遂攜妻女行由永昌宋家莊穴牆入臣逆戰水泉三道
溝手格殺數人奪其坐纛卜失兔及其黨炒胡兒竝中流矢
走臣亦被劓將士斬級以百數生獲其愛女及牛馬羊萬八
百有奇卜失兔仰天大慟曰傷哉我女悔不用母言以至此
也自是不敢歸巢與宰僧匿西海已屬宰僧謝罪其母及順
義王亦代爲言乃還其女而使歸套臣以功進秩爲真時諸

部長桀驁甚經略鄭洛專主款臣以爲不足恃上書陳八難
五要議多與洛左且以創重乞歸帝不許後二年謝病去臣
更歷四鎮名著塞垣爲一時良將子承廕由父廕積功至延
綏副總兵勇而有謀尤精騎射數鏖戰未嘗挫衄萬曆三十
七年代王威爲延綏總兵官沙計及猛克什力數犯邊是年
冬復犯波羅神木承廕邀却之追斬八十餘人沙計欲修貢
守臣惡其反覆拒之益徙近邊以數千騎犯雙山堡承廕擊
走之俘斬百二十有奇四十年沙計復入塞承廕遮擊之嚮
水斬首百七十餘級積前功進署都督同知世廕本衛副千
戶是歲遼東總兵官麻貴罷勅承廕馳代之蟒金諸部近寧
前守將祖天壽聞出獵被圍曹莊將士死者二百二十人被

掠者六百餘人天壽以數騎免事聞論死承廕初抵任獲免
敖克等犯中後所拒斬其二長餘走出塞時虎墩兔炒花煖
兔宰賽逼處遼境無歲不犯邊承廕未至時虎墩兔以三萬
騎犯穆家堡遊擊郎名忠等遏斬其四十餘騎及再舉守將
梁汝貴襲破其營已而乃續諸部連犯中後所連山驛副總
兵李繼功等力戰殪其魁餘引去自是虎墩兔所屬貴英哈
等三十餘部悉奉約束遼西得少安承廕旋以病去甫歲餘
起守薊鎮未至復改鎮遼東四十六年四月我

太祖高皇帝起兵拔撫順巡撫李維翰趣承廕赴援承廕急率
副將頗廷相參將蒲世芳遊擊梁汝貴等諸營並發次撫順
承廕據山險分軍三立營浚濠布列火器甫交鋒

大清兵蹙之大潰死者相枕藉承廕世芳皆戰死廷相汝貴已潰圍出見失主將亦陷陣死將士死者萬人生還者十無一二舉朝震駭詔逮繼翰贈承廕少保左都督立祠曰精忠世廕指揮僉事廷相以下贈廕有差承廕子應昌全昌德昌應昌嗣祖臣職當爲指揮僉事以父陣亡增三秩爲都司僉書經略楊鎬用爲左翼遊擊四路出師使從李如柏天啓元年遷大同井坪參將調延綏二年秋河套入犯不能禦免歸樞輔孫承宗召置麾下命駐錦州承宗去高第盡撤松錦守具應昌亦歸崇禎二年總督楊鶴檄應昌署定邊鎮將事河套入寇擊斬百二十餘級推昌平副總兵鶴遂薦應昌以副將鎮定邊四年春神一元陷保安應昌偕左光先破斬一元

其弟一魁代領其衆圍慶陽應昌及杜文煥趨戰圍始解不
沾泥圍米脂應昌偕王承恩擊走之楊鶴撫一魁處之寧塞
而殺其黨茹成名其黨張孟金黃友才懼挾一魁以叛延綏
巡撫張福臻令應昌及馬科擊之斬首千七百餘級友才走
一魁守不下其冬洪承疇代鶴命參政戴君恩總兵曹文詔
同應昌討之數敗賊賊棄城走文詔偕應昌擊敗之駙馬溝
明年春應昌擒友才時文詔多收降丁降丁勾套部著力免
突入定邊小校張射奎等力戰文詔科救之斬首一百四十
餘級乃遁去混天猴陷宜君鄜州襲靖邊應昌追敗之射傷
賊將白廣恩八月山西總兵官馬士麟病免擢應昌都督僉
事代之言者謂寧武卒善逃宜令應昌率所部三千人以從

報可王之臣陷臨縣其地倚黃雲山榆林河水出焉入於黃河城三面峭壁西阻水巡撫許鼎臣總督張宗衡督兵攻賊與土寇田福田科等相倚久不拔會王自用陷遼州逼會城鼎臣還專以恢復責應昌六年春賊約福劫官軍撫標中軍陳國威因僞稱之臣往逆斬福頭懸城下急擊賊始降應昌在關中威名甚著及是遷愞逗撓務與賊相避總督宗衡五檄之不赴奏諸朝限應昌與文詔三月平賊應昌避賊不擊殺良民冒功爲巡按御史李嵩兵科祝世美所劾帝乃遣近侍爲應昌內中軍七月部卒潰鳴謙驛監視中官劉允中劾其避賊帝猶貸之令會勦畿南賊久之擊賊平山僞報首功連爲允中及巡按御史馮明玠真定巡撫周堪賡所劾帝令

圖功自贖七年春追賊靈寶稍有功已擊賊均州五嶺山敗績身中一矢退還河南其弟全昌爲宣府總兵官宣府有警令應昌援又無功命解職候勘八年洪承疇出師河南令率私家士馬以從三月抵信陽會賊大入秦承疇命應昌及鄧玘尤翟文防漢江南北玘死承疇以賊必由鳳縣棧道直入畧陽改命應昌翟文自鄖陽轉赴興安漢中以會左光先趙光遠諸軍至六月艾萬年曹文詔相繼戰歿賊盡趨西安承疇急檄應昌及光先還救八月李自成陷咸陽殺知縣趙躋昌越二日應昌光先兵至擊斬四百四十餘級獲軍師一人及全昌兵敗陷賊其潰卒歸關中掠沿河州縣山西巡撫吳甡請令應昌收置麾下應昌已得疾不能軍無何卒全昌由